

դիմել է Ջրային կոմիտեի նախագահին՝ հայտնելով Ալափարս թիվ 2 ջրթողի մուտքի դռան փականի և 400 մմ փականի՝ ջրօգտագործողների կողմից վնասելու վերաբերյալ, իսկ 2-րդ դեպքը՝ ՀՀ ոստիկանության Արարատի բաժնի պետը 31.08.2018թ.-ի 8190 գրությամբ տեղեկացրել է «Ջրառ» ՓԲԸ-ի տնօրենին:

Միաժամանակ հարկ է նշել, որ ի կատարումն ՀՀ վարչապետի հանձնարարականի և Ջրային կոմիտեի նախագահի 2017թ.-ի դեկտեմբերի 20-ի թիվ 205 Ա հրամանի, ստեղծվել է աշխատանքային խումբ՝ դերիվացիոն ջրանցքի ապօրինի ջրառի կետերի հայտնաբերման համար: Ստեղծված աշխատանքային խմբի աշխատանքի արդյունքում հայտնաբերվել են **մի շարք անօրինական ջրամիացումներ:**

4.11. Ծախսերի վերաբերյալ

Աշխատավարձերի և դրան հավասարեցված այլ վճարումների վերաբերյալ

2017թ. «Ջրառ» ՓԲԸ-ի 437 աշխատողների համար վճարվել է աշխատավարձ և դրան հավասարեցված այլ վճարներ՝ ընդամենը 472,359.2 հազ. դրամ գումարի, որից՝ 277 հիմնական աշխատողներին վճարվել է 354,406.4 հազ. դրամ, 160 սեզոնային աշխատողներին՝ 110,593.7 հազ. դրամ, և հավելավճարներ՝ 7,359.0 հազ. դրամ գումարների:

01.10.2018 թվականի դրությամբ «Ջրառ» ՓԲԸ-ի 388 աշխատողների համար վճարվել է աշխատավարձ և դրան հավասարեցված այլ վճարներ՝ ընդամենը 365,538.0 հազ. դրամ գումարի, որից՝ 252 հիմնական աշխատողներին վճարվել է 270,833.9 հազ. դրամ, 136 սեզոնային աշխատողներին՝ 88,219.5 հազ. դրամ և հավելավճարներ 6,484.5 հազ. դրամ գումարների: **Որպես հավելավճար վճարված 6,484.5 հազ. դրամ գումարից 778.0 հազ. դրամ գումար վճարվել է միայն զեկուցագրի հիման վրա, առկա չէ հրաման կամ գործատուի կողմից կազմված այլ իրավական ակտ, չի պահպանվել ՀՀ աշխատանքային օրենսգրքի 178-րդ հոդվածի 3-րդ կետի 5-րդ պարբերությամբ սահմանված դրույթը՝**

«Հավելավճարը ՀՀ աշխատանքային օրենսգրքով, օրենքով, այլ նորմատիվ իրավական ակտերով, կոլեկտիվ կամ աշխատանքային պայմանագրերով, գործատուի իրավական ակտով սահմանված դեպքերում և չափերով հիմնական աշխատավարձի նկատմամբ հաշվարկվող լրացուցիչ վարձատրությունն է, որը վճարվում է որակավորման (դասային, դիվանագիտական, գիտական աստիճան, կոչում և այլն), աշխատանքային ստաժի համար»:

4.12. էլ. էներգիայի ծախսի վերաբերյալ

«ՀԷՑ» ՓԲԸ-ի փոխադարձ հաշվարկի ստուգման ակտերի համաձայն՝ 2017թ. ընթացքում «Ջրառ» ՓԲԸ-ի էլ. էներգիայի ծախսը կազմել է 36,404.9 հազ. կվտ/ժ՝

1,370,586.7 հազ. դրամ, տվյալ ժամանակահատվածում «ՀԷՑ» ՓԲԸ-ին վճարվել է 2,192,216.7 հազ. դրամ:

2017թ. ընթացքում «Ջրառ» ՓԲԸ-ի ստացված հաշիվների համաձայն՝ էլ. էներգիայի ծախսը կազմել է 36,322.07 հազ. կվտ/ժ: Փոխադարձ ակտերի և ստացված հաշիվների տարբերությունը առաջացել է՝ «Ջրառ» ՓԲԸ-ի վերակազակերպման և նոր մասնաշենքի տեղափոխման արդյունքում «ՀԷՑ» ՓԲԸ-ի քարտերի անվանափոխության ժամանակ իրականացված վերահաշվարկների արդյունքում:

«Ջրառ» ՓԲԸ-ի էլ.էներգիայի ծախսի մեջ ներառվել են նաև այլ բաժանորդներից ստացված 4.3 հազ. կվտ/ժ և 5.4 հազ. կվտ/ժ էլ. էներգիա:

«Ջրառ» ՓԲԸ-ի կողմից էլ. էներգիա է տրամադրվել «Ջրային տնտեսության» ԾԻԳ-ին՝ 28.1 հազ. կվտ/ժ, «Հայջրմուղկոյուղի» ՓԲԸ-ին՝ 4.2 հազ. կվտ/ժ և «Փրոփերթի Սալյուշնգ» ՓԲԸ-ին՝ 0.11 հազ. կվտ/ժ:

2017թ.-ի ընթացքում «Ջրառ» ՓԲԸ-ի փաստացի էլ. էներգիայի ծախսը կազմել է 36,309.1 հազ. կվտ/ժ, որից՝ պոմպերի աշխատանքի համար՝ 35,403.5 հազ. կվտ/ժ, պոմպակայաններին սեփական կարիքների համար՝ 277.5 հազ. կվտ/ժ, պոմպակայանների տրանսֆորմատորների կորուստը՝ 267.5 հազ. կվտ/ժ (պոմպակայանների ընդհանուր ծախսի 0.74 տոկոս) և այլ օբյեկտներ՝ 350.7 հազ. կվտ/ժ էլ էներգիա:

2018թ.-ի հոկտեմբերի 1-ի դրությամբ՝ «ՀԷՑ» ՓԲԸ-ի փոխադարձ հաշվարկի ստուգման ակտերի համաձայն և ստացված հաշիվների համաձայն, «Ջրառ» ՓԲԸ-ի էլ. էներգիայի ծախսը կազմել է 47,634.7 հազ. կվտ/ժ՝ 1,795,500.0 հազ. դրամ, որի դիմաց վճարվել է 5,736.5 հազ. դրամ:

«Ջրառ» ՓԲԸ-ի կողմից էլ.էներգիա է տրամադրվել «Ջրային տնտեսության» ԾԻԳ-ին՝ 28.9 հազ. կվտ/ժ, «Հայջրմուղկոյուղի» ՓԲԸ-ին՝ 16.06 հազ. կվտ/ժ, «Փրոփերթի Սալյուշնգ» ՓԲԸ-ին՝ 0.99 հազ. կվտ/ժ և «Նիգավա. ՍՊԸ-ին՝ 2.7 հազ. կվտ/ժ:

Ստացված տեղեկատվության համաձայն՝ 2018թ.-ի հոկտեմբերի 1-ի դրությամբ «Ջրառ» ՓԲԸ-ի փաստացի էլ.էներգիայի ծախսը կազմել է 47,587.1 հազ. կվտ/ժ, որից՝ պոմպերի աշխատանքի համար՝ 46,852.8 հազ. կվտ/ժ, պոմպակայաններին սեփական կարիքների համար՝ 222.9 հազ. կվտ/ժ, պոմպակայանների տրանսֆորմատորների կորուստը՝ 289.9 հազ. կվտ/ժ (պոմպակայանների ընդհանուր ծախսի 0.61 տոկոս) և այլ օբյեկտներ՝ 221.5 հազ. կվտ/ժ էլ էներգիա:

«Ջրառ» ՓԲԸ-ին պատկանող ենթակայաններից 12 ենթասպառողների կողմից ծախսված էլ. էներգիայի չափը 2017թ.-2018թ.-ի հոկտեմբերի 1-ի դրությամբ կազմել է 426.7 հազ. կվտ/ժ: «Ջրառ» ՓԲԸ-ին պատկանող ենթակայաններից այլ բաժանորդներին էլ. էներգիայի մատակարարման համար «ՀԷՑ» ՓԲԸ-ի կողմից վճարվել է 460.6 հազար դրամ:

2017թ.-ի համեմատ 2018թ.-ի հոկտեմբերի 1-ի դրությամբ մեխանիկական ջրի համար ծախսված էլ.էներգիայի չափը մոտ 11,000.0 հազ. կվտ/ժ-ով ավելացել է, իսկ 2017թ.-ի ընթացքում սեփական կարիքների համար մոտ 50.0 հազ. կվտ/ժ-ով պակասել է, քան 2018թ.-ի հոկտեմբերի 1-ի դրությամբ:

Ազատի 1-ին և 2-րդ պոմպակայաններից բացի մնացած պոմպակայաններում մղված մեխանիկական ջրի համար ծախսված էլ.էներգիայի չափը և դրանից ելնելով, նաև՝ մեխանիկական ջրի քանակները, հաշվարկվում են մոտավոր

Ստացված տեղեկատվության համաձայն՝ Ազատի 1-ին և 2-րդ պոմպակայաններից բացի մնացած պոմպակայաններում սեփական կարիքների համար և տրանսֆորմատորի կորուստների համար ծախսված էլ. էներգիայի չափերը հաշվարկված է մոտավոր, քանի որ տեղադրված չեն առանձնացված հաշվիչներ: Ստացվում է, որ Ազատի 1-ին և 2-րդ պոմպակայաններից բացի մնացած

պոմպակայաններում մղված մեխանիկական ջրի համար ծախսված էլ. էներգիայի չափը և դրանից ելնելով, նաև՝ մեխանիկական ջրի քանակները, հաշվարկվում են մոտավոր:

2.4.13. Գարնան նախապատրաստական և ոռոգման ժամանակաշրջանի համար նախատեսված աշխատանքների և մատակարարների վերաբերյալ

«Զրառ» ՓԲԸ-ն 2017թ. կարիքների համար ձեռք է բերել աշխատանքներ, ծառայություններ և ապրանքներ 379,463.7 հազ. դրամ գումարի, որից՝ գարնան նախապատրաստական և ոռոգման ժամանակաշրջանի համար նախատեսված աշխատանքների իրականացման համար կնքած և տրանսպորտային միջոցների վարձակալության նպատակով կնքած ֆիզիկական անձանց հետ իրականացրած գործարքների գումարը կազմում է 239,981.7 հազ. դրամ, իսկ մնացած 139,481.9 հազ. դրամ գումարի շրջանակներում ծախսերը կատարվել են թվով 75 անուն մատակարարների միջոցով:

«Զրառ» ՓԲԸ-ն 01.01.2018թ.-ից առ 01.10.2018թթ. կարիքների համար ձեռք է բերել աշխատանքներ, ծառայություններ և ապրանքներ 366,737.5 հազ. դրամ գումարի, որից՝ գարնան նախապատրաստական և ոռոգման ժամանակաշրջանի համար նախատեսված աշխատանքների իրականացման համար կնքած և տրանսպորտային միջոցների վարձակալության նպատակով կնքած ֆիզիկական անձանց հետ իրականացրած գործարքների գումարը կազմում է 219,326.3 հազ. դրամ, իսկ մնացած 147,411.2 հազ. դրամ գումարի շրջանակներում ծախսերը կատարվել են թվով 82 անուն մատակարարների միջոցով:

Աղյուսակ 4

Անվանում

2017 թվական

01.10.2018 թվականի

	դրությամբ			
	Մատակարարներ	Գումար (հազ.դրամ)	Մատակարարներ	Գումար (հազ.դրամ)
Գարնան նախապատրաստական և ոռոգման ժամանակաշրջանի համար նախատեսված աշխատանքների իրականացման համար կնքած՝		239,981.7		219,326.3
Վառելիք	4	63,859.3	3	66,996.0
շինարարական նյութեր ապրանքներ, վերանորոգման ծառայություններ	23	48,658.5	40	58,653.6
տրանսպորտային նյութեր, ապրանքներ և վերանորոգման ծառայություններ	25	15,173.6	21	15,414.6
ընթացիկ ծառայություններ	8	8,773.8	7	3,681.3
տնտեսական և գրենական ապրանքներ, համակարգչային նյութեր, ապրանքներ և ծառայություններ	15	3,016.6	11	2,665.6

Գումարներ են ծախսվել առանց «Գնումների մասին» ՀՀ օրենքով նախատեսված ընթացակարգերի համապատասխան կիրառման

1. 2017թ. ընթացքում ծախսված 379,463.7 հազ. դրամ գումարից 307,105.2 հազ. դրամը, իսկ առ 01.10.2018թ. ծախսված 366,737.5 հազ. դրամ գումարից 276,191.3 հազ. դրամը ծախսվել է առանց «Գնումների մասին» ՀՀ օրենքով

նախատեսված ընթացակարգերի համապատասխան կիրառման (Հավելված 12, Հավելված 12.1):

2. «Ջրառ» ՓԲԸ-ի գարնան նախապատրաստական աշխատանքների իրականացման համար ֆիզիկական անձանց հետ կնքվել է 2017 թվականին 274 պայմանագիր, իսկ 01.10.2018թ.-ի դրությամբ՝ 344 պայմանագիր: Մեխանիզմների վարձակալության համար 2017 թվականին կնքվել է 59 պայմանագիր, իսկ 01.10.2018թ.-ի դրությամբ՝ 74 պայմանագիր:

Ընդունման-հանձնման ակտեր, գործավարձի հաշվարկներ, տրամադրվող նյութերի և վառելիքի վերաբերյալ տեղեկատվություն առկա չեն

- Կնքված պայմանագրերի շրջանակներում պայմանագրերով նախատեսված ընդունման-հանձնման ակտեր, գործավարձի հաշվարկներ, տրամադրվող նյութերի և վառելիքի վերաբերյալ տեղեկատվություն առկա չեն, ինչի արդյունքում պարզ չէ կոնկրետ պայմանագրի շրջանակներում ինչ աշխատանքներ են կատարվել և գումարների փոխանցման համար ինչն է հիմք հանդիսացել, ինչի հիման վրա են կազմվել կատարողական ակտերը: Առկա են միայն պայմանագրի կողմ

վություն առկա չեն, ինչի արդյունքում պարզ չէ կոնկրետ պայմանագրի շրջանակներում ինչ աշխատանքներ են կատարվել և գումարների փոխանցման համար ինչն է հիմք հանդիսացել, ինչի հիման վրա են կազմվել կատարողական ակտերը: Առկա են միայն պայմանագրի կողմ

հանդիսացող անձանց ստորագրությունները՝ գումարների ստացման համար: 2017թ.-ին կնքված պայմանագրերի շրջանակներում վճարումներն իրականացվել են կանխիկ, իսկ 2018 թվականի գումարները փոխանցվել են անկանխիկ:

- Կատարողականները կազմվել են «Ջրառ» ՓԲԸ-ի համակարգի շրջանակներում, որոնցում **առկա չէ պայմանագրի կողմ հանդիսացող որևէ մեկի ստորագրությունը:**
- Կատարողականների և պայմանագրերի միջև առկա են անհամապատասխանություններ՝ ընդհանուր գումարային և գումարների միջև բաշխվածության՝ աշխատավարձի և մեքենա մեխանիզմների:
- Կապալի պայմանագրերի արժեքները տարանջատվում են՝ ըստ ջրանցքների, և բավականին բարձր են «Ջրառ» ՓԲԸ-ի նմանադիպ աշխատանքներ կատարող սեզոնային աշխատողի աշխատավարձից: Օրինակ՝ «Ջրառ» ՓԲԸ-ի ջրաբերուկ մաքրող սեզոնային աշխատողը ստանում է 80 հազ. դրամ ամսական, իսկ կապալի պայմանագրերով՝ Արզնի Շամիրամ ջրանցքի մաքրման և նորոգման աշխատանքներ՝ 15.03.2017թ.-20.04.2017թ. 450 հազ. դրամ, Ստորին Հրազդան ջրանցքի մաքրում ջրաբերուկներից՝ 09.07.2017թ.-12.07.2017թ. 272.0 հազ. դրամ, Արտաշատի ջրանցքի դյուկերի մաքրում՝ 917 հազ. դրամ՝ 27 օրվա համար:

**Վարձակալված մեխանիզմների
կողմից պայմանագրերի
շրջանակներում կատարված
աշխատանքների ծավալը
փաստաթղթերով չի
արտացոլվում**

- Մեխանիզմների վարձակալության պայմանագրերի արժեքները տարանջատվում են՝ ըստ ջրանցքների և ըստ ժամկետների: Վարձակալված ԶԻԼ մակնիշի մեքենաների շուկայական արժեքը կազմում է մոտ 2,500.0 հազ. դրամ, մինչդեռ՝

դրանք վարձակալվում են միջինը 1,180.0 հազ. դրամ, որից՝ աշխատավարձ 350-400 հազ. դրամ, զուտ վարձակալություն՝ 830-780 հազ. դրամ, իսկ Կամազ մակնիշի մեքենաները՝ 1,500.0 հազ. դրամով (30-42 օրվա համար): Վարձակալված մեխանիզմների կողմից պայմանագրերի շրջանակներում կատարված աշխատանքների ծավալը փաստաթղթերով չի արտացոլվում: Օրինակ՝ Թալինի մայր ջրանցքում տրակտոր բուլդոզերով 09.03.2017թ.-18.04.2017թ.՝ 1,440.0 հազ. դրամ, Արտաշատի ջրանցքում մաքրման և նորոգման աշխատանքները 1989թ. արտադրության Զիլ մակնիշի ավտոմեքենայով 03.03.2017թ.-15.04.2017թ իրականացնելու համար սահմանվել է 1,180.0 հազ. դրամ, Արտաշատի ջրանցքի մաքրման և նորոգման աշխատանքները Կամազ մակնիշի ավտոմեքենայով

03.03.2017թ.-15.04.2017թ. իրականացնելու համար սահմանվել է 1,500.0 հազ. դրամ:

- Պայմանագրերով նախատեսվել է երեք տիպի նյութածախս՝ կատարողի կողմից, մասամբ կատարողի կողմից, պատվիրատուի կողմից: *Նշված պայմանագրերում և առկա փաստաթղթերում չի երևում՝ ինչ նյութերի և ինչ քանակի մասին է խոսքը:* Նյութածախսի մասով առկա է միայն «Ջրառ» ՓԲԸ-ի կողմից նյութերի տրամադրումը տեղամասերին:
 - Առկա են կապալի պայմանագրեր, որոնք *ամսաթվերով հատվում են:* Օրինակ՝ նույն անձի հետ կնքվել են պայմանագրեր 15.03.2017թ.-31.03.2017թ. և 20.03.2017թ.-20.04.2017թ., 15.03.2017թ.-20.04.2017թ. և 18.04.2017թ.-15.11.2017թ., 15.03.2017թ.-20.04.2017թ. և 18.04.2017թ.-31.10.2017թ.: Վերջին երկու դեպքերում կապալի պայմանագրի աշխատանքների ավարտի ժամկետը չավարտված կնքվել են սեզոնային աշխատանքների կատարման պայմանագրեր «Ջրառ» ՓԲԸ-ի հետ:
3. «Ջրառ» ՓԲԸ-ի կողմից վառելիքի ձեռք բերումը իրականացվել է «Ֆլեշ» ՍՊԸ-ի հետ՝ 2017թ. և 2018թ. կնքված պայմանագրերի շրջանակներում՝
- 07.03.2017թ. կնքված թիվ ՀՀԷԲՊՆՋՏՊԿ-ՇՀԱՊՁԲ-15/1-Ջ-1-1 պայմանագրի շրջանակներում ձեռք է բերվել 50000 լիտր բեզին ռեգուլյար՝ 358 դրամ միավորի գնով, և 50000 լիտր դիզելային վառելիք՝ 348 դրամ միավորի գնով, պայմանագրի ընդհանուր գումարը կազմել է 35,300,000 դրամ:
 - 30.10.2017թ. կնքված թիվ ՀՀԷԲՊՆՋՏՊԿ-ԳՀԱՊՁԲ-Ջ-12-1 պայմանագրի շրջանակներում ձեռք է բերվել 12000 լիտր բեզին ռեգուլյար՝ 366 դրամ միավորի գնով, և 8000 լիտր դիզելային վառելիք՝ 329 դրամ միավորի գնով, պայմանագրի ընդհանուր գումարը կազմել է 7,024,000 դրամ:
 - 15.02.2018թ. կնքված թիվ ՀՀԷԲՊՆՋՏՊԿ-Ջ-ԳՀԱՊՁԲ-18/1-1 պայմանագրի շրջանակներում ձեռք է բերվել 30000 լիտր բեզին ռեգուլյար՝ 440 դրամ միավորի գնով, և 30000 լիտր դիզելային վառելիք՝ 450 դրամ միավորի գնով, պայմանագրի ընդհանուր գումարը կազմել է 26,700,000 դրամ:
 - 22.06.2018թ. կնքված թիվ ՀՀԷԲՊՆՋՏՊԿ-Ջ-ԳՀԱՊՁԲ-18/22-1 պայմանագրի շրջանակներում ձեռք է բերվել 5000 լիտր դիզելային վառելիք՝ 450 դրամ միավորի գնով, պայմանագրի ընդհանուր գումարը կազմել է 2,250,000 դրամ:
 - 24.07.2018թ. կնքված թիվ ՀՀԷԲՊՆՋՏՊԿ-Ջ-ԳՀԱՊՁԲ-18/23-1 պայմանագրի շրջանակներում ձեռք է բերվել 30000 լիտր բեզին ռեգուլյար՝ 440 դրամ միավորի գնով, և 15000 լիտր դիզելային վառելիք՝ 450 դրամ միավորի գնով, պայմանագրի ընդհանուր գումարը կազմել է 19,950,000 դրամ: